

**Uunga siunnersuut: Illunut sanaqataaffiusunut taarsigassarsiat pillugit Inatsisartut  
inatsisaat nr. xx, xx. xxx 2018-imeersoq.**

*Ineqarnermut Attaveqaqatigiinnermullu Naalakkersuisoq  
pillugu*

**Sanaartornermut Ataatsimiititaliap**

**siunnersuutip pingajussaaneerpeqarneranut**

**ILASSUTITUT ISUMALIUTISSIISUTAA**

Sanaartornermut Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, Siulittaasoq

Inatsisartunut ilaasortaq Peter Olsen, IA, Siulittaasup tullia

Inatsisartunut ilaasortaq Bentiaaraq Ottosen, Atassut

Inatsisartunut ilaasortaq Justus Hansen, Demokraatit

Inatsisartunut ilaasortaq Pele Broberg, Partii Naleraq

Siunnersuut aappassaaneerpeqareernerani 22. november Ataatsimiititaliap misissoqqippaa.

**Ataatsimiititaliap siunnersuummik suliarinninnera**

Aallarniutigalugu 16. november isumaliutissiisummut ersarissanissaq pisariaqartinneqartoq ataatsimiititaliap maluginiarpaa.

Taamaattumik Ataatsimiititaliap immikkoortumi siunnersuutip suliarinninnerata ilaani allassimasumi ataatsimiititaliap kissaatai ersarissarneqassasut, Ataatsimiititaliap naqissusissavaa:

” Tamatumani erseqqissarneqassaaq siunnersuutigineqarmat sanaqataalluni illuliormi nalikillisaaneq ukiuni 33-niit – 20-nut, tungaanut ingerlanneqarsinnaasoq taamaalilluni naqissuserneqarpoq. Atugassarititaasut pillugit allaffissornikkut nakkutilliineq aamma kommunit attartortitsisutut piarnerusumik pisussaaffimminnit, aningaasanik pisassalittut il.il., pisussaaffimminnit iperarneqarsinnaaqullugit. tamanna allaffissornikkut pissusissamisoortumik kingunerivaa.

”

Nangillugu Ataatsimiititaliap immikkoortumi Allanguutissatut kissaatini kiisalu ataani immikkoortumi Sanaartornermi ikkussugassat naammassineqanngitsuni erseqqissarusuppa, Ataatsimiititaliap isumaqarmat,

” Siunissami nunatsinni sumi tamaani illuliassat naammassineqanngitsut uninngaannatinneqartassanngitsut ataatsimiititaliamit kissaatigineqarpoq, taamatuttaarlu illuliassat illuliornermilu atortussat sananeqarnissamik tungaanut isumannaatsumiitinneqarnissaat kissaatigineqarluni. Tamanna immaqa illuliassat containerinut ilillugit tunniunneqartarnissaannik piunasaqarnikkut pisinnaavoq.”

Kiisalu Ataatsimiititaliap Nappaanissamut piffissaliussamik qulequtalik pillugu erseqqissaneqarnissaa kissaatigaa:

” Sanasunik amigaateqarneq maannamut atuuttoq eqqarsaatigalugu, ukiut marluk ingerlaneranni illu napparneqarsimanngippat Ataatsimiititaliamit ajornartorsiutitut isigineqarpoq. Taamatuttaaq siunnersuutigineqarpoq immikkut ittumik akuersissuteqartarnissaq, tassunga ilanngullugit ilitersuutaasinaasut ersarissut eqqunneqarnissaat. .”

Ataatsimiititaliamut innersuunneqaqqinnerani Ineqarnermut Naalakkersuisumut imaattumik ilassuteqarpoq;

” Sanaartornermut Ataatsimiititaliap kissaatai naapertorlugit Naalakkersuisup allannguutissatut siunnersuut saqqummiussaa ataatsimiititaliap soqutigalugu misissorpaa.

Ataatsimiititaliap iluarinnissimaarluni maluginiarpaa, ataatsimiititaliap allannguutissatut kissaatai nassuiarneqartut imaluunniit allannguutissamik siunnersuusiorfigineqartut.

Kisianni suliarineqarnera ataatsimiititaliap naammaginngilaa imatut qulequtserlugu suliarineqarnissaa ”Pisortat illuutaasa niuerutigineqarneri unitsinneqarlik”, ataatsimiititaliap maluginiarpaa,

”Sanaqataalluni illuliat arlaannik patsiseqartumik attartortitsisumik tiguneqartillugit aatsaat annertunerusumik eqqarsaatigineqalersarnerat ataatsimiititaliamit maluginiarnaqarpoq. Qularnaveeqqummik pigisallip qanoq inissisimanissaa imaluunniit qularnaveeqqummik pigisallip piunaffigineqannginnerata annikitsuinnarmik aningaasanik angusaqarfusinnaanera pissutaalluni qularnaveeqqummik pissarsisoqarnissaa imaluunniit akiitsullip piinik pinngitsaaliilluni tuniniaasoqarsinnaanera ataatsimiititaliamit erngumanartinneqarpoq.”

Tamatuma kingorna ataatsimiititaliaq inatsisip naleqqussarnissaanik ersarissumik kissaateqarluni imaattumik tunngavilersuuteqarpoq:

” Illunik niuernerup appasinnerusumik inissinneqannginnissaa pissutigalugu ataatsimiititaliamit kissaatigineqarpoq aalajangersakkamik

ilanngussisoqarnissaanik, taamaaliornikkut pigisat nalillit tuniniarneqartillugit kommunimit illuutigineqartut toqqavii ilanngullugit nalingi ataallugit tuniniarneqannginnissaannik piumasaqaateqartoqarluni.”

Kiisalu tamakku pisimasut iluarsiiviginiarlugit ataatsimiititaliaq kisaateqaqqippoq, imaattumik

” Aalajangersagaq tamanna illunut napparneqarsimasunut ilanngullugu atuutissaaq Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut Peqqussutaat nr. 1, 19. november 2007 – meersoq aamma Inatsisartut Peqqussutaat nr. 1, 9. april 1992 - meersoq inissialiortiternermut tapiissuteqartarneq kiisalu illuliortarneq pillugit inatsisit siusinnerusukkut atuuttut tunngavigalugit qularnaveeqqusiissut pisortanit pigineqartillugu.”

Illuliat utertinneqartut qimaannarneqarsimasulli kommunip tuniniassallugit soqutigisinnaagaa Naalakkersuisumit allaaserineqartut, Ataatsimiititaliap paasiuminaatsippaa.

Kommunit Namminersorlutillu Oqartussat qaffasinnerpaamik akilersillugit illunik tuniniaanissamut soqutiginninnissinnaanerat, taamaalilluni Sanaartornermut Ataatsimiititaliap akueraa. Ilutigalugu naatsorsuinnermut tunngatinneqarsinnaasoq eqqarsaatigineqarsinnaasorlu, illup tigummiinnarneqarata qanoq aningaasartuutaatigisinnaanera, Ataatsimiititaliap ilisimavaa. (Naak taamaaliornikkut nutaamik pisinnermut naleqqiullugu imaluunniit pisiareqqinnerani nalinganut naleqqiullugu akia appasissagaluqisoq).

Akerlinganik, nalinginnaasumik illunik tuniniaanermi illuliornermi illunik tuniniaanerup ingerlalluarnissaata qulakkernissaa tamanna kommunip suliaarigaa Sanaartornermut Ataatsimiititaliaq isumaqanngilaq soorlu aamma kommunip pingaarnertut suliaarinngikkaa illunik nalinginnaasumik niueruteqartarnerup napparteqqinneqarnissaa. Tamanna tassaavoq Inatsisartut Naalakkersuisullu kattullutik suliaasaat. Taannaavorlu aningaasartuut qularnaveeqqummik pigisallip naammagisariaqagaa. Illoqarfinni ataasiakkaani piviusumik annaasaqartoqassagaluarpat nunaqarfiillu piffissap ingerlanerani naatsorsuutigissagaat tamanna atorunnaarsinneqarumaartoq, illunik tuniniaasarneq pissutsinik nalinginnaasunik atugaqalissappat aatsaat pisinnaajumaartoq, aammaarluni Ataatsimiititaliaq naliliivoq.

Taamaalilluni Sanaartornermut ataatsimiititaliap isummani attatiinnarpaa, pingajussaarneqannginnerani Naalakkersuisut siunnersuummut allannguutissamik Ataatsimiititaliap kissaataa naapertorlugu pisortat illuutaannik tuniniaasarnermut tunngasumik qularnaveeqqusiissumut utertillugu, saqqummiusseqqullugit.”

**Ataatsimiititaliap inassuteqaataa**

Ataatsimiititaliamit kaammattuutigineqartut naapertorlugit Naalakkersuisut allannguutissatut siunnersuummik saqqummiussereerneranni **siunnersuut** iluserilikkamisut iluseqartoq **akuerineqassasoq Sanaartornermut Ataatsimiititaliap isumaqatigiittup inassutigaa.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.

---

Anders Olsen, Siulittaasoq

---

Bentiaraq Ottosen

---

Peter Olsen, Siulittaasup  
tullia

---

Justus Hansen

---

Pele Broberg